

Broj: 01-34-7-602/15
Sarajevo, 24.11.2015. godine

Na osnovu člana 4. Uredbe o kriterijima za sticanje statusa trenera u provedbi stručnog obrazovanja i usavršavanja državnih službenika u organima državne službe u Federaciji Bosne i Hercegovine ("Službene novine Federacije BiH" br. 20/13 i 81/15), direktor Agencije za državnu službu Federacije Bosne i Hercegovine objavljuje

JAVNI POZIV

ZA UČEŠĆE U POSTUPKU ODABIRA TRENERA ZA REALIZACIJU STRUČNOG USAVRŠAVANJA DRŽAVNIH SLUŽBENIKA U ORGANIMA UPRAVE U FEDERACIJI BOSNE I HERCEGOVINE U 2016. GODINI

I.

(OBLASTI)

Objavljuje se javni poziv ekspertima-predavačima da se prijave za učešće u postupku odabira trenera za realizaciju obuka državnih službenika iz sljedećih tematskih oblasti:

1. USTAVNI SISTEM I ORGANIZACIJA UPRAVE U BOSNI I HERCEGOVINI
2. UPRAVA I PRAVOSUDNA UPRAVA
3. FUNKCIJE UPRAVE I SEKTORSKE POLITIKE
4. RJEŠAVANJE O PRAVIMA, OBAVEZAMA I INTERESIMA GRAĐANA I PRAVNIH LICA
5. SISTEM DRŽAVNE SLUŽBE: BORBA PROTIV KORUPCIJE I UPRAVLJANJE LJUDSKIM RESURSIMA
6. BOSNA I HERCEGOVINA I PROCES EVROPSKIH INTEGRACIJA
7. JAVNE FINANSIJE
8. ZAŠTITA LJUDSKIH PRAVA
9. IT KOMUNIKACIJA
10. KOMPETENCIJE UPOSLENIH U DRŽAVNOJ SLUŽBI

II.

(PRAVO UČEŠĆA)

Pravo učešća imaju državni službenici iz organa uprave u Federaciji Bosne i Hercegovine i nezavisni eksperti/ konsultanti koji mogu biti i eksperti iz drugih institucija u Bosni i Hercegovini.

III.

(KRITERIJI)

Stručna osposobljenost kandidata za izvođenje obuke iz gore navedenih oblasti vrijednovat će se po sljedećim kriterijima:

1. akademsko zvanje i stručno usavršavanje u relevantnoj oblasti
2. predavačko iskustvo u pripremi i realizaciji programa obuke iz oblasti za koju se kandidat prijavljuje
3. uspješno završen(i) program (i) za obuku predavača organizovani od strane međunarodnih organizacija i drugih konsultantskih kuća u Bosni i Hercegovini i inostranstvu
4. radno iskustvo u relevantnoj stručnoj spremi (za temu za koju se kandidat prijavljuje)
5. objavljeni autorski radovi u relevantnoj oblasti

IV.

(INTERVJU)

Kandidati koji na ocjeni kriterija imaju najmanje 50% od maksimalnog broja bodova bit će pozvani u sljedeću fazu postupka odabira u kojoj će se ocjenjivati predloženi program obuke i **simulacija dijela obuke** u trajanju do 15 minuta. Simulaciju dijela programa obuke procjenjuje Stručna komisija koju imenuje direktor Agencije, po utvrđenom obrascu (dostupno na www.obuke.adsfbih.gov.ba). Ukoliko se kandidat prijavi za više tema i više oblasti, potrebno je da se za intervju odluči za simulaciju samo jedne teme iz jedne odabrane oblasti.

V.

(DOKUMENTI)

Dokumenti koje je potrebno priložiti u originalu ili ovjerenoj kopiji su:

- Diploma o stručnoj spremi, odnosno akademskom zvanju
(Napomena: Za državne službenike koji su evidentirani u Registru državnih službenika u Federaciji BiH nije neophodan ovaj dokaz)
- Dokaz o predavačkom iskustvu u pripremi i realizaciji programa
- Certifikat o završenom programu obuke za trenere (ukoliko kandidat posjeduje)
- Potvrda o radnom iskustvu koje se odnosi na temu za koju se kandidat prijavljuje

Ostale dokumente potrebno je dostaviti usklađene sa obrascima koji su dostupni na web stranici Agencije [www: obuke.adsfbih.gov.ba](http://www.obuke.adsfbih.gov.ba)

- Popunjen prijavni obrazac
- Nastavni plan i program obuke sa sadržajem i očekivanim ishodima obuke
- Saglasnost rukovoditelja za obavljanje poslova trenera (ovo se odnosi samo na zaposlene u organima državne službe u Federaciji BiH).

VI.

(DOSTAVLJANJE PRIJAVE)

Prijavu na javni poziv, odnosno sve tražene dokumente iz tačke V., treba dostaviti najkasnije do 15.1.2016. godine na sljedeću adresu:

*Agencija za državnu službu Federacije Bosne i Hercegovine,
Odsjek za obuku i usavršavanje,
Kulovića 7, 71.000 Sarajevo,
sa naznakom "za javni poziv za trenere".*

Nepotpune, neuredne i neblagovremene prijave neće se uzeti u razmatranje.

VII.

(NAPOMENA ZA POSTOJEĆE TRENERE)

Treneri sa Liste trenera za realizaciju stručnog usavršavanja državnih službenika u organima uprave u FBiH ("Službene novine FBiH" broj 10/15) dostavljaju samo prijavni obrazac za teme za koje su bili prijavljeni u 2015. godini.

U slučaju prijave za nove teme neophodno je da dostave dokaze iz tačke V. alineja 2., 3., i 4. ovog poziva.

U slučaju nedostavljanja traženih dokaza prijava se neće uzeti u razmatranje.

NAPOMENA:

Kandidati mogu podnijeti prijavu za više oblasti istovremeno, s tim da program obuke mora biti usklađen sa temom za koju se prijavljuje.

Nakon završenog postupka odabira trenera kandidati koji budu ispunili kriterije bit će uvršteni na listu trenera za 2016. godinu koja će biti objavljena na web stranici Agencije i u Službenim novinama Federacije BiH.

Agencija angažuje trenere sa utvrđene liste u skladu sa potrebama, raspoloživim finansijskim sredstvima te na osnovu ugovora o autorskom djelu kojim se utvrđuje i naknada za rad u skladu sa članom 5. Uredbe o kriterijima za sticanje statusa trenera u provedbi stručnog obrazovanja i usavršavanja državnih službenika u organima državne službe u Federaciji Bosne i Hercegovine ("Službene novine Federacije BiH" br. 20/13 i 81/15),

Obuke se realizuju u prostorijama Agencije u Sarajevu te u Zenici, Mostaru, Bihaću, Tuzli, a po potrebi i po drugim lokalitetima u Federaciji Bosne i Hercegovine.

Komunikacija sa polaznicima uspostavlja se elektronski te je u prijavnom obrascu neophodno navesti tačnu e-mail adresu.


DIREKTOR
[Signature]
mr.sc. Sead Maslo